

中牟縣志

卷八

7.10.35
0004
3



中牟縣志卷之八

人物志

孔子曰十室之邑必有忠信況中原文獻之區牟去嵩不遠應有偉人奇士鍾扶輿清淑之氣而出焉者三代以後文德武功忠臣孝子代不乏人癸丑軍興以來其慷慨捐軀從容赴義者生旣有異死而猶馨任其泯沒焉可乎若夫松壽稱德筠節流芳則熙朝之瑞培養之澤也志人物第八

賢哲

周

甯越中牟人勞於耕稼謂其友曰何爲而可以免此苦友曰其學

乎學三十歲則可以達矣甯越曰請以十歲人將休吾將不敢休
人將卧吾將不敢卧乃發憤十五年而周威公師之著書一篇見
漢書藝文志

列禦寇鄭人周威烈王時居圃田師事壺邱子林友事伯昏禦寇
好游壺邱子曰游何所好禦寇曰游之樂所玩無故人之游也觀
其所變壺邱子曰禦寇之游固與人同而曰固與人異凡所見亦
恒見其變玩彼物之無物不知我亦無故務外游不知務內觀外
游者求備於物內觀者取足於身取足於身游之至也求備於物
游之不至也於是禦寇自以爲不知游將終身不出居鄭國四十
年人無識其姓名者子陽爲鄭相或有言曰禦寇有道之士也居

君之國而窮無乃爲不好士乎子陽乃遺粟十乘禦寇再拜而辭
之人見其妻妻曰妾聞爲有道之妻子皆得佚樂今有饑色君過
而遺之食又不受豈非命哉禦寇笑曰子陽非真知我也以人之
言而遺我粟至於罪我也又且以人之言此我之所以不受也居
一年鄭人殺子陽其黨皆死禦寇安然獨全終身不仕其學率宗
黃老著書二十篇凡十萬餘言今存者八篇名列子圃田人相傳
禦寇一日辭鄉隣西去至二十里鋪平地陟天因傳其鋪爲道士
鋪其八卦御風臺尙存今在鄭州界內

漢

王方中牟知名之士建初中邑令魯恭薦之於朝章帝徵詣公車

厚遇之與公卿所舉同官至侍中

魏

任峻字伯達漢末董卓首亂關東皆震中牟令楊原欲棄官走峻說原曰董卓爲天下所側目今關東十餘縣兵力尙強連之可得萬人明府若能唱之必有和者事無不濟矣原從其計乃權行河南尹事以峻爲主簿使諸縣堅守會曹操起關東入中牟界峻與同郡張奮議舉郡以歸操峻又別收宗族及賓客家兵數百人從之操大悅表峻爲騎都尉妻以從妹甚見親信操每征伐峻常居守以給軍值年饑軍食告匱羽林監棗祗建置屯田操以峻爲典農中郎將數年中所在倉廩積粟皆滿官渡之戰操使峻典軍器

糧運賊數寇鈔絕糧道峻使千乘爲一部十道方行爲復陳許衛之賊不敢近操以峻功高表封爲都亭侯食邑三百戶遷長水校尉峻爲人寬厚有度達於事理饑歲周貧卹孤多所施與以信義稱建安九年卒子先襲爵先卒無子國除後操子不追錄功臣諡峻曰成侯復以峻次子覽爲關內侯詳見三國志本傳

晉

潘岳字安仁祖瑾安平太守父苾琅邪內史岳少以才穎見稱鄉里號爲奇童丰姿都美常挾彈出洛陽道婦人遇之者皆連手縈繞投之以果歸載滿車時夏侯湛亦美容觀有盛才與岳友善每行止同輿接茵京都人謂之連璧弱冠辟司空太尉府舉秀才武

帝躬耕籍田岳作賦以美之自是才名冠世爲衆所忌閒居十載始拜河陽縣令時山濤領吏部與王濟裴楷和嶠皆爲帝所親遇岳題閣道爲謠以譏之云閣道東有大牛王濟軟裴楷韜和嶠刺促不得休哲爲令勤於政事譙人公孫宏少孤貧善鼓琴能屬文客於河陽岳愛其才藝待之甚厚河陽邑中遍植桃李人號曰花縣轉懷令時以逆旅途末廢農奸淫亡命多所依湊勅當除之十里一官攤使老小貧戶守之又差吏掌主依客舍收錢岳作逆旅議以諫朝廷從之調補尚書度支郎遷廷尉評以公事免楊駿輔政高選吏佐復引岳爲太傅主簿及駿誅所親遇皆從坐時公孫宏爲楚王瑋長史爲岳言之瑋謂之假吏乃得免除名爲民未幾

遷爲長安令作西征賦述所經人物山水寓慷慨於悲歌徵補博士未拜職以母疾去官卜居洛陽城南築室於洛水上有園池花木之勝母有羸老疾岳嘗御板輿奉母以孝稱尋召爲著作郎轉散騎常侍遷給事黃門侍郎會賈謐專權結納天下名士號二十四友岳爲之冠與渤海石崇尤親密焉初岳父爲琅邪內史孫秀爲小史給岳而狡黠自喜岳惡其爲人數撻之秀常銜忿及趙王倫擅政秀爲中書令遂誣岳與石崇歐陽建謀奉淮南王允齊王冏爲亂誅之夷三族岳被收與母別曰負阿母及詣市石崇已先至崇謂岳曰安仁卿亦復爾耶岳曰可謂白首同所歸矣蓋岳嘗作金谷詩云投分寄石友白首同所歸乃詩識也岳母及兄侍御

史釋弟燕令豹司徒掾據弟譚兄弟之子已出之女無長幼皆遇害惟釋子伯武逃得免而豹女與其母相抱號呼不可解會詔原之從子尼先以疾篤取假歸省墳墓幸脫於禍後官至太常卿今邑之城西一里許有潘家莊其後裔猶居之岳有文集十卷行世

潘尼字正叔岳之從子祖勗漢末拜東海相父滿平原內史並以學行稱尼少有清才與岳齊名俱移居洛陽岳性輕躁趨世利尼素恬淡不與物競唯以勤學著述爲事著安身論以明所守初應州辟後以父老辭位致養太康中舉秀才爲太常博士歷高陸令遷淮南王允鎮東參軍元康初拜太子舍人上釋奠頌出爲宛令

入補尚書郎轉著作郎及趙王倫篡位孫秀專政尼遂以疾鳥取
假歸拜掃墳墓故岳與石崇等罹禍尼不與焉後齊王冏起義乃
赴許昌冏引爲參軍與謀時務兼管書記事封安昌公歷黃門侍
郎散騎常侍侍中秘書監永興末爲中書令尼兩爲邑宰勤政恤
民寬嚴有守及位顯要履危居正進退從容故三王構難坐罪多
知名士尼亦不與焉永嘉中遷太常卿劉聰爲亂洛陽將沒尼移
家東還中卒遇賊不得前病卒於塢壁年六十餘著文集十卷今
僅存二卷行於世

五代

李冠字宗全後五代時人以布衣處間巷粹聞冠將至眾驚怖望

風思竄宗企止之曰無庸吾輩以逸待勞何患不克遂挺身奮策
賊不敢犯六世孫師德登元豐進士官員外郎發揚祖德以傳於
後元祐六七年安陽韓忠彥眉山蘇轍併爲記

宋

李師德義士李冠六世孫也登元豐進士官員外郎明敏好學嘗
見稱於劉摯舊志遺失無從稽考其詳

元

蔡郁字文卿天資穎異家世業儒六歲父亡被慈母之訓就傳受
業值兵南下與母流落順天旣長行傭以供母後復故里帶經而
鋤樂道安貧不求聞達累詔不起卒葬於邑之辛興里

明

再鼎才邦器別號強恕子系本山東爲前賢伯牛裔其先有爲牟
丞者家焉遂爲牟大族大父銘父藝咸有烈丈夫稱鼎十三爲庠
生聲名藉藉年二十五登成化丙午科謁選授長清令邑素多豪
猾鼎發奸摘伏羣邪屏氣然懷恨日圖所以中者時逆璫瑾專權
羅織士夫巨猾徐某率其黨構難擊登聞者七瑾遣三法司詣東
省勘問率無實聞官偶假息於關王廟鼎乃抗辭以爲已而誣者
昏瞶嘔血作神語緣此遂輸奸狀有鎮守中涓張某橫索郡縣賂
鼎不爲諂張衡之謂事勘未明欲返此獄張至臨清一夕暴卒事
獲已胡文縣文有金礦吏白令至皆往視例有獲公曰此賊引也

然究以弗賂瑾罷瑾敗起授麟遊令土瘠民困例急催科鼎喟然
曰是可行乎志哉遂乞歸家居課耕桑教子姓年逾八十而終平
生事親孝親偶以事怒卽跪伏牀下常憾仕晚祿不及親遇美食
則泣下不入口長清被逮時有州判許某者以百金餽鼎曰君留
自給我縱貧不至餓斃終不受嘗拾遺金於路親守之候失者至
而畀之間者無不誦其孝義子崇儒崇禮孫夢松俱以科第顯
王汝鼎字廉夫五世祖仲禮仕元官至山西右丞祖翰由舉人爲
瑞安令汝清居嘗痛父母早逝每讀書至言孝處輒唏噓垂涕不
能卒讀爲人嚴毅方正重厚寡言登宏治二年鄉薦五年成進士
初仕工部主事督器嚴凡事以廉謹自持鉅細克舉未幾改兵部

主事時兵務繁劇處之裕如秩滿當路交章薦之宜膺不次之擢以疾乞歸子二長允賢正德十二年進士歷任四川按察司僉事次允明嘉靖元年登賢書兩世科名牟邑門第最盛焉汝清與允賢俱祀於鄉

張啟字開之其先大同人父齡任臨汾丞啟少苦讀尤精於易宏治十七年中鄉榜第二人明年會試擬第一以註誤遂乙之家居侍養十年不上公車正德十二年丁丑父促之行啟強就道至衛輝心動復歸未旬日二親相繼而亡人以爲純孝之感服滿赴選授山東新泰令居官清慎而勤六事兼舉兩臺使者交章於朝調長清令值武宗南巡幸泰山上臺以啟能特命扈駕供應輪將咄

嗟俱辦旌以特薦擬內召因憂勞太過卒於官捐館三日而部檄至矣啟德行文章一無疵議至世同居嘗以易授生徒四方來學者接踵其門至今學士家有易學淵源之誦後猶子木舉鄉薦亦啟之敎成之也祀鄉賢

王郊號拙軒生異敏肆力詩書嘉靖初以明經薦授莒州同知服官饒有冰操致政家居十五年持已端方橫經授徒至老弗怠邑之後進以科名顯者多出其門性簡默篤孝友鄰有孀婦堅志守節而鬻鄰菽食之十數年無吝色婦後獲旌表里人以此高其誼卒年七十有一祀於鄉

張木字質夫號素軒祖齡臨汾丞木嘉靖元年舉於鄉少勤學明

性理受易學於季父長清令啟累赴公車不售就選知南宮縣廉隅有守以德化民南宮邑志謂本政事平順處已謙和莅任最久吏民悅服實錄也以母喪歸遂絕意仕進家居息交遊課子孫學古禮衆稱爲閉戶先生立身正大不以私干人而人亦不敢干以私至於助婚濟喪施與無間親疎焉卒祀鄉賢

張繼祖以例貢官周王府審理王命繼祖察逋負之租衆斂百金以獻不受優人得罪使繼祖治之納厚賂又辭有陳生嘉言者以誣坐贓繼祖白太守言狀洗其冤嘉言酬以金又却之繼祖臨財以義持已以廉多類此也後以孫孟男貴贈戶部尙書太子少保祀於鄉

冉崇儒字季魯號謙安鼎子也崇儒生而穎異甫五齡授以孝經小學輒成誦年十三經史融通詞藻煥發補邑庠屢爲學使者稱賞嘉靖四年鄉薦兩試南宮被黜及弟崇禮登進士喜曰二親垂白無以解其顏弟第卽吾第矣乃赴銓曹除豐潤令豐潤當遼左之衝軍民雜處崇儒莅之咸帖然悚服承臺檄察薊州鐵冶廠一洗積弊時上官尙趨承朶鑿不相合調保定羅內艱歸服闋補平山令擢兩淮鹽運判官分司通州石港場通商裕國上下稱便未幾構疾乃乞休抵家卒祀鄉賢

冉崇禮字嘉甫號村南鼎次子崇儒弟也舉嘉靖七年鄉薦十一年登進士授西安令政尙撫循俗多生女不舉崇禮嚴禁而懇諭